

四明叢書

張宗祥



序

古無經學之名有之始於莊子至漢乃確立蓋取經緯之義然武帝始置博士不過五經由是而六經七經九經十一經十三經卽學庸本在禮記篇數亦經也唐尊老子爲經釋文并莊子亦爲經故世言羣經矣羣經之學皆先聖哲經緯天地維持人事之書其言雖易知易行而義理精深廣大固未可以淺見寡聞說矣古今大儒通羣經者蓋無幾人經義卒亦未大明於世夫治經莫善於有疑小疑則小進大疑則大進讀陳餘山先生

羣經質質者豈漢詁所謂析疑與先生固已析疑矣何
質爲殆朱子稱鄭君謙謹之謂耳竊謂經生不謙謹終
莫能通經證之鄭朱而可信是書蓋本其讀易書詩三
禮春秋三傳論孟爾雅羣經而有得者筆之篇也於書
辨胤征之冤仲虺兼弱之失言洪範書祀不書年又言
管蔡武庚畔周非思商庶殷讐民思商非畔周伏書多
脫誤皆絕精審足破大疑又舉聘禮注醯陽也醢肉陰
也少牢饋食禮注內羞在右陰也庶羞在左陽也疏內
羞穀物庶羞牲物二注相反獨禮掌客注牲與黍稷俱

食之主禮記曲禮注近醢醬食者食之主內則注羹食
食之主三說不同士昏禮注醢之言演也少牢饋食禮
注醢猶羨也特牲饋食禮注醢猶衍也三注音義近而
文互異其精細也又類此孔子曰學而不思則罔思而
不學則殆今夫君子學焉以裕其識思焉以運其才若
罔則弗善用知也殆則逞知而忘本也安有謙謹君子
而弗善用知乃逞知而忘本乎先生旣以質名其書謙
謹可知矣雖未能躋於鄭朱之域可謂能盡其知者矣
書司馬子長著史記管言非好學深思者不能心知其

意況羣經之精深廣大者乎先生著作三十六種余既
取詩誦刊之更刊此書以見先生治經之勤且得之於
小疑小進大疑大進經生謙謹之效者如是因論述之
爲世勸民國二十年八月後學張壽鏞

序

四明經學權輿北宋五君子四先生其先河也至東發
深寧而大昌厥緒更五百年而我朝萬氏充宗全氏謝
山出論者殆莫之軒輊厥後一再傳若鄭寒村姜白巖
蓮樹眉劉星若王西嶼黃薇香王履軒姚復莊徐柳泉
諸先生根極理要不失先正矩矱我師陳餘山先生亦
其一也先生令關中政聲遠越公餘牙籤錦帶鱗次左
右丹黃雜綵閱盛寒暑不輟逮謝病歸優游林下都生
輩著誤得百餘萬言嗚呼先生之學可謂勤矣羣經質一

書蓋先生少作嘗謂傳璞經義深奧與漢唐鉅公蔑窮涯涘
未學隅見安能洞垣一方人雖仙仙乎謙辭哉然聖人
學易且有假年之歎矣今文孫雪舫上舍鼎懼是書之
失傳以聚珍板排印若干部屬爲序傳璞庸固何足與
於斯文而先生有張憑范喬之賢克繩祖武是則不勝
欣慰也已光緒十一年歲次乙酉夏五弟子郭傳璞拜
序

羣經質卷之上

清鄞縣陳 僅餘山撰

易

用九用六

易以不易爲體以變易爲用用九用六以言乎其變也
三百八十四爻之變皆用也特於乾坤發之

陰疑於陽必戰

陰疑於陽必戰言疑者陰性善疑也君子多信小人小
人必疑君子故君子常敗而小人常勝自古及今君子

小人迭爲消長無兩傷之理然小人所以傷君子適以自傷而已故曰其血玄黃戒之也

利建侯

屯曰利建侯豫曰利建侯創業守文皆以建侯爲利後世廢封建而設郡縣必無長治久安之策矣

需九二

需九二需於沙沙不必近水當從鄭作汔汔沙篆文反

正之間傳寫易誤

孟喜易作需於沙衍此讀亦較今本爲優

西郊

密雲不雨自我西郊卽諺所云雲往東一場空雲向東
塵埃沒老翁是也

无妄

无妄當依史記无所期望而有得之解妄望古通用國
策朱英言无妄之人史記亦作无望可證望外忽得故
正則元亨而利匪正則有眚而不利正者初九六二九
五六二柔順中正猶祇以福言九五則陽剛居尊雖堯
水湯旱無損於至治況其小乎匪正者六三九四上九
上九陽窮失正猶祇以行戒六三則陰柔奸位雖銷聲

滅跡無救於身災況其動乎是故吉凶毀譽之不常君子亦自求其正而已如以爲實理自然安有至誠无妄而匪正有眚不利攸往者六三上九諸爻且煞費回護矣

大畜

大畜一卦聖學之始終大象多識致知也六爻初有厲二日閑三輿輶四楛五牙力行也子貢之多學而識顏子之四勿知行交盡至上九何天之衢而後從心所欲不踰矩則聖學之成矣彖辭日新其德其斯之謂歟

咸

蔡邕協和昏賦乾坤和其剛柔艮兌感其腹腓說經如此未免過褻然男女構精萬物化生繫辭言之古人固不之爲忌也

遯九三

自古小人道長皆自人君之係於臣妾始九三係遯而言畜臣妾吉何也此第畜占法謂畜臣妾者占之尙爲吉耳故象曰不可大事也大事占之凶悔吝可知本義謂臣妾不必其賢而可畜舍卜筮而言義理疑不可通

朋來朋亡

蹇九五朋來君子之朋也泰九二朋亡小人之朋也君子之朋以濟蹇小人之朋以傾泰治亂存亡之幾視諸二朋之有無而已

夬

夬之不利卽戎必自決其私而後可決小人之私也渙之渙有邱必自渙其羣而後可成君子之羣也故洛蜀之黨不能自渙卒無以決紹聖之小人

艮

論語言省身大學言修身此曾子之學也其平日惟賞
舉良象郭兼山受學伊川伊川示以易之艮曰艮止也
學道之要無出於此合此二者可以得艮卦之義

渙

渙其躬小人之不終爲小人也渙有邱小人之終得爲
君子也其能淘汰於小人之羣者剛德也六三以之其
能順承於君子之羣者柔德也六四以之

中孚

巽草廬云豚魚乃澤中之物似雅俗謂之江豚澤將風

則浮出水面舟人稱爲風信故中孚取象焉言能信如
豚魚則誠能動物吉之道也徐氏易通云中孚九二我
有好爵蓋爲爵也中孚卦爻皆取象禽獸豚魚有他不
燕鳴鶴在陸我有好爵馬匹亡翰音登於天愚謂易固
尙象然何必曲說附會至此非解經所宜

精氣爲物游魂爲變

精氣爲物常也游魂則自聚而之散自有而之無旣失
其常惟變所適在天地則磅礴於日星河嶽而不得謂
日星河嶽爲游魂之爲也在人則臨感於屋漏寤寐而

不得爲塵穢磨滅爲游魂之爲也不可知之謂變不以爲散與無而以爲變蓋常之爲變可知者也變之復爲常不可知者也聖人亦聽之於不可知而已若以游魂爲變爲輪迴之說則當曰游魂爲物或曰游魂爲氣矣其然否乎

大衍之數

易大衍之數五十其用四十有九春秋傳書凡五十其別四十有九春秋其通於易道乎

井居其所而遷

井居其所而遷此所字與困而不失其所亨所字正同
所卽義也處困之道舍義莫居其境遇有變通必明辨
而遷焉所謂改邑不改井也日暮途遠倒行而逆施之
惟其不知辨義故耳困受之以井聖人之示人以所也
中男中女

水以靜爲體以動爲用火以動爲體以靜爲用故水處
陰而成象於坎爲中男火處陽而成象於離爲中女

四德

易乾坤正義有四德者乾坤屯臨隨无妄革七卦有三